



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-425-3/23**
Datum: **04.12.2023.**

«Agencija za vodno područje rijeke Save» Sarajevo rješavajući po zahtjevu pravnog lica «ŽGP ZENICA» d.d. Zenica za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokacije PK – kamenolom i separacija «Široke stijene» na lokalitetu „Kula“, grad Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu «ŽGP ZENICA» d.d. Zenica daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokacije PK – kamenolom i separacija «Široke stijene» na lokalitetu „Kula“, na zemljištu označenom kao k.č. broj: 2953, 2956/4, 2956/5 K.O. Babino i 1433/1 K.O. Crkvice, grad Zenica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom investiciono tehničkom i drugom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se tehnološke otpadne vode sa pripadajućih slivnih površina (plato za pranje i održavanje vozila, radne i manipulativne površine) nesmetano prikupljaju sistemom slivne rešetke i kanalizacione mreže te odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode ispuštaju u taložni bazen.
 - 2.3. Da korisnik predmetnog kamenoloma, za vrijeme trajanja ove dozvole, obezbjeđuje da se oborinske zamuljene vode sa lokaliteta kamenoloma «Široke stijene» i separacije nesmetano prikupljaju sistemom betonskih obodnih kanala te odvođe na tretman u taložne bazene, a zatim tretirane vode, preko okna za monitoring, ispuštaju u Babinu rijeku.
 - 2.4. Prečišćene tehnološke vode moraju ostati u maksimalno dopuštenim granicama definiranim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.5. Objekte koji se koriste u svrhu prikupljanja, odvodnje i tretmana tehnoloških i ostalih otpadnih voda nastalih u krugu pogona (kanalizaciona mreža, slivne rešetke, separator masti i ulja, taložnici...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Talog iz separatora, kao i ostali opasni i neopasni otpad, se ne smije ni privremeno odlagati na česticu «vodno dobro», odnosno u vodotoke i na njegove obale.
 - 2.7. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga kompleksa, isti propisno skladišti do njegovog konačnog zbrinjavanja od strane ovlaštene organizacije.
 - 2.8. Vlasnik odnosno korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. **Ispitivanje vršiti na 2 ispusna mjesta.**

- 2.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.10. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «ŽGP ZENICA» d.d. Zenica, dana 29.09.2023., podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokacije PK – kamenolom «Široke stijene» na lokalitetu „Kula“, na zemljištu označenom kao k.č. broj: 2953, 2956/4, 2956/5 K.O. Babino i 1433/1 K.O. Crkvice, grad Zenica.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 043-0-Reg-23-000285 od 17.03.2023. izdatog od Općinskog suda u Zenici,
- Ovjerena kopija Uvjerjenja o poreznoj registraciji od 28.10.2002. izdatog od Porezne uprave FBiH-Kantonalni ured Zenica,
- Ovjerena kopija Uvjerjenja o registraciji/upisu u Jedinствeni registar obveznika indirektnih poreza broj: 04/1-UPP/1-17321/07 od 06.09.2007. godine izdatog od Uprave za indirektno-neizravno oporezivanje Banja Luka,
- Dokaz o uplaćenju upravnoj taksi,

- Kopija Ugovora o koncesiji broj: 04-18-15802-1/13 zaključenog dana 28.08.2013. godine sa Ministarstvom za privredu Zeničko-dobojskog kantona,
- Kopija Rješenja o odobrenju za izvođenje radova po Glavnom rudarskom projektu nastavka eksploatacije tehničkog kamena krečnjaka na PK „Široke Stijene“ kod Zenice Up/I broj: 06-18-971/05 od 29.12.2005. godine izdatog od Federalnog Ministarstva energije, rudarstva i industrije,
- Kopija Rješenja o odobrenju za izvođenje radova na osnovu Dopunskog rudarskog projekta Postrojenje za preradu tehničkog kamena broj: 04-18-7536-2/13 od 06.11.2013. godine izdatog od Ministarstva za privredu Zeničko-dobojskog kantona,
- Kopija Rješenja o općim obavezama operatera u vezi sa zaštitom okoliša broj: UPI 05/2-02-19-5-110/21 SN od 31.08.2021. godine, izdatog od Federalnog ministarstva okoliša i turizma,
- Kopija Rješenja o vodnoj dozvoli broj: UP-I/25-3-40-422-3/18 od 26.10.2018. godine izdatog od «Agencije za vodno područje rijeke Save» Sarajevo,
- Kopija Rješenja o produženju važenja vodne dozvole broj: 09-21-4997/2020 MT LG od 04.09.2020. godine izdatog od Službe za ekologiju, komunalne i inspeksijske poslove Grada Zenica,
- Kopija Ugovora o izvođenju radova (čišćenje separatora) broj: 143/23-DS zaključenog dana 14.03.2023. sa «DELTA PETROL» d.o.o. Kakanj,
- Kopija Radnog zapisnika o radovima na pranju i čišćenju separatora broj: 04-06/22 od 09.06.2022. izdatog od «DELTA PETROL» d.o.o. Kakanj,
- Kopija Izvještaja o monitoringu kvaliteta i kvantiteta otpadnih voda kamenoloma «Široke Stijene», broj: 764/23, maj 2023. godine, urađenog od «Inspekt-RGH» d.o.o Sarajevo,
- Kopija Izvještaja o monitoringu kvaliteta i kvantiteta otpadnih voda kamenoloma «Široke Stijene», broj: 739/22, maj 2022. godine, urađenog od «Inspekt-RGH» d.o.o Sarajevo,
- Kopija Izvještaja o monitoringu kvaliteta i kvantiteta otpadnih voda kamenoloma «Široke Stijene», broj: 735/21, maj 2021. godine, urađenog od «Inspekt-RGH» d.o.o Sarajevo,
- Kopija Izvještaja o monitoringu kvaliteta i kvantiteta otpadnih voda kamenoloma «Široke Stijene», broj: 669/20, maj 2020. godine, urađenog od «Inspekt-RGH» d.o.o Sarajevo,
- Kopija Izvještaja o monitoringu kvaliteta i kvantiteta otpadnih voda kamenoloma «Široke Stijene», broj: 702/19, maj 2019. godine, urađenog od «Inspekt-RGH» d.o.o Sarajevo,
- Glavni projekat prikupljanja i tretmana otpadnih voda kamenoloma «Široke stijene», urađen od strane «ES HYDROTECHNICS» d.o.o. Sarajevo, novembar 2011 godine (na uvid),
- Projekat izvedenog stanja sakupljanja, tretmana i ispuštanja otpadnih voda sa kamenoloma «Široke stijene» Zenica, urađen strane «TQM» d.o.o. Lukavac, decembar 2020 godine (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-423-2/23 od 23.11.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Zona eksploatacije tehničkog kamena krečnjaka na lokalitetu kamenoloma «Široke stijene», površine 12,2 ha definisana je sljedećim koordinatnim tačkama:

Prelomne tačke	Y	X
A	6 496 251	4 896 695
B	6 496 257	4 896 514
C	6 496 453	4 896 477
D	6 496 573	4 896 620
E	6 496 497	4 896 800
F	6 496 692	4 896 911
G	6 496 660	4 896 913
H	6 496 602	4 896 935
I	6 496 519	4 896 951
J	6 496 372	4 896 924

K	6 496 294	4 896 871
L	6 496 279	4 896 847
M	6 496 274	4 896 812
N	6 496 278	4 896 778
O	6 496 288	4 896 735
P	6 496 279	4 896 702
R	6 496 261	4 896 693

- Kamenolom «Široke stijene» lociran je na lijevoj obali Babine rijeke, lokalitet zvani «Kula», na udaljenosti oko 5 km od centra Zenice. Eksploatacija tehničkog kamena krečnjaka vrši se na eksploatacionoj površini od 12,2 ha. Za eksploataciju kamena krečnjaka na predmetnom kamenolomu zaključen je dana 28.08.2013. godine Ugovor o koncesiji broj: 04-18-15802-1/13 sa Ministarstvom za privredu Zeničko-dobojskog kantona na period od 25 godina.
- Trenutni kapacitet eksploatacije je oko 89.000 tona/god kamena krečnjaka.
- Na lokalitetu se nalaze površinski kop, betonirani plato za pranje i održavanje vozila, separacija kamenog agregata kapaciteta 40-60 t/h, odlagalište agregata, kontejneri za smještaj radnika.
- Separacija kamenog agregata i odlagalište agregata, te kontejneri za smještaj radnika su locirani na desnoj obali Babine rijeke.
- Za kamenolom «Široke stijene» ranije je od strane ove Agencije, doneseno Rješenje o vodnoj dozvoli broj: UP-I/25-3-40-422-3/18 od 26.10.2018. godine.
- Tehnološke otpadne vode nastale pranjem i održavanjem utovarno-transportnih strojeva, koje se obavlja na betonskom platou sa izvedenim kanalom sa slivnom rešetkom, se odgovarajućim cjevovodom odvođe na tretman u separator ulja i masti. Prečišćene vode se ispuštaju u taložni bazen.
- Čišćenje separatora ulja i masti se radi redovno od strane ovlaštenog pravnog lica.
- Oborinske zamuljene vode koje nastaju ispiranjem radnih i transportnih površina sa platoa PK-kamenolom «Široke stijene» se sistemom otvorenih betonskih obodnih kanala slijevaju u taložni bazen $V=125 \text{ m}^3$. Prečišćene vode se, preko okna za monitoring, ispuštaju u Babinu rijeku.
- Oborinske zamuljene vode koje nastaju ispiranjem radnih površina sa platoa gdje je smještena separacija se sistemom otvorenih betonskih obodnih kanala slijevaju u taložni bazen 2. Prečišćene vode se ispuštaju u Babinu rijeku.
- Snabdijevanje pitkom vodom za potrebe uposlenih se obezbjeđuje nabavkom flaširane vode a za tehnološke potrebe voda se obezbjeđuje zahvatom iz Babine rijeke. Za potrebe uposlenih postavljena je mobilna WC kabina.
- Za korištenje vode za tehnološke potrebe je ishodovana vodna dozvola od Službe za ekologiju, komunalne i inspekcijske poslove Grada Zenica,
- Čišćenje separatora masti i ulja se radi redovno. Čišćenje taložnih bazena se radi redovno korištenjem vlastite mehanizacije. Istaloženi materijal se odvozi na jalovište.
- Na uvid dati izvještaji o obračunu EBS-a za period 2018.-2023.
- Monitoring otpadnih voda se vrši redovno. Dostavljeni su Izvještaji o monitoringu kvaliteta i kvantiteta otpadnih voda za 2019., 2020, 2021, 2022, i 2023. godinu urađeni od «Inspect-RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «ŽGP ZENICA» d.d. Zenica, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u

postupku rada i za ispuštanje tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Sanja Miličić, građ.ing.

Po ovlaštenju
Rukovodilac sektora za izdavanje vodnih akata



Hans Ališehović, dipl.inž.građ.

Dostaviti:

- «ŽGP ZENICA» d.d.
Bulevar kralja Tvrtka I broj 3, 72000 Zenica
- AVP Sava, ISV-vodna knjiga
- sektor 50
- ① sektor 40 – arhiva
- oglasna ploča – AVP Sava